



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CCXXXI. Confirmatio Brevis Urbani VIII. confirmatorii aliorum a Pio II., Julio II., & Sixto V. editorum nonnulla Privilegia, & Indulta Communitati, & Hominibus Civitatis Beneventan. concessa ...

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

CCXXX.

Confirmatio Decreti Congregationis Particularis a Sanctissimo deputata, per quod decernitur, quod Procurator Generalis Congregationis Doctrinae Christianae Avenionen. in Domo Provinciae Romanae residere debeat.

CLEMENS PP. XII.

Ad futuram rei memoriam.

Facti series.

§. 1. **F** Manavit nuper a Congregatione Particulari nonnullorum Ven. Fratrum nostrorum S. R. E. Cardinalium a Nobis in causa Congregationis Doctrinae Christianae Avenionen. inter dilectos filios Presbyteros saeculares Provinciae Romanae ex una, & Provincias Galliae dictae Congregationis ex altera partibus vertente deputata Decretum tenoris, qui sequitur, videlicet:

Decretum Congregationis.

§. 2. Die 14. Aprilis 1738. Congregatio Particularis a Sanctissimo Domino Nostro deputata EE. & RR. DD. Cardinalium Barberini, Spinulae, Portiae, Gentilis subrogati in locum cl. me. Card. Orighi, & Guadagni, ac mei infra scripti subrogati in locum R. P. D. Jaccher cum Voto, in causa Congregationis Doctrinae Christianae Avenionen. inter Provinciam Romanam, & Provincias Galliae, auditis quoque Partibus super Bula unionis Provinciae Romanae Ecclesiae, & Domus S. Mariae in Monticelli, sa. me. Benedicti XIII., sub datum anni 1726. quarto Kalendas Martii rescriptis, ad Mentem, mens est: Consulendum Sanctissimo, quod ibidem residere debeat Procurator Generalis totius Congregationis Doctrinae Christianae Avenionen. solutis Alimentis. Factaque etiam super hoc, die sequenti, relatione hujus resolutionis per me infra scriptum eidem Sanctissimo Domino Nostro, Sanctitas Sua supra dictae Congregationis Particularis sententiam in hac quoque parte probavit, ac juxta eam opportunas literas in forma Brevis expediti mandavit Franciscus Episcopus Ostien. Card. Barberinus, Nicolaus Xaverius Archiepiscopus Athenarum Secretarius. Loco ✕ Sigilli.

Confirmatio Pontificia.

§. 3. Cum autem, sicut Presbyteri saeculares Provinciae Galliae Congregationis Doctrinae Christianae hujusmodi nobis subinde exponi fecerunt ipsi Decretum hujusmodi, quo firmius subsistat, & fervetur exactius, Apostolicae confirmationis nostrae patrocinio communiri summopere desiderent. Nos ipsorum Exponentium votis, hac in re quantum cum Domino possumus favorabiliter annuere volentes, & eorum singulares personas a quibusvis excommunicationis, suspensionis, & interdicti, aliisque ecclesiasticis sententis, censuris, & poenis a jure, vel ab homine, quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine nobis super hoc humiliter portectis inclinati, Decretum praesertim auctoritate Apostolica tenore praesentium confirmamus, & approbamus, illique inviolabilis Apostolicae firmitatis robur adjicimus.

Praesentium Literarum firmitas.

§. 4. Decernentes easdem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari, sique in praemissis per quoscumque Judices Ordinarios, & Delegatos, etiam causarum Palatii Apostolici Auditores judicari, & definiti debere, ac irritum, & inane si secus super his a quoquam quavis auctoritate, scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, ac quatenus opus sit memoratarum Provinciarum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores, praesentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Mariam Majorem sub annulo Piscatoris die 2. Maii 1738. Pontificatus nostri Anno Octavo.

Dat. die 2.
Maii 1738.
An. VIII.

Confirmatio Brevis Urbani VIII. confirmatorii aliorum a Pio II., Julio II., & Sixto V. editorum, nonnulla Privilegia, & Indulta Communitati, & Homines Civitatis Beneventan. concessa continentium, praesertim, quod primae, & secundae instantiae causarum temporalium, vel Civilium extra dictam Civitatem cognosci non possint.

CCXXXI.

CLEMENS PP. XII.

Ad perpetuam rei memoriam.

P Aeterna, quam de nostris & Sanctae Romanae Ecclesiae etiam quoad temporalia Subditis gerimus, cura nos urget, atque impellit, ut eorum commodis jugi vigilantia studentes, ea, quae a Romanis Pontificibus Praedecessoribus nostris pro Civitatibus, Oppidis, & Terris temporalibus ejusdem S. R. E. Ditionis in pacis amantate conservandis benigne, sapienterque concessa, & ordinata esse noscuntur, quo parenti firmitate subsistant, Apostolici muniminis nostri patrocinio constabiliamus.

Prooemium.

§. 1. Dudum siquidem fel. rec. Urbanus PP. VIII. Praedecessor noster omnia, & singula statuta dilectorum filiorum Communitatis, & Hominum Civitatis nostrae, tunc suae Beneventan., necnon quaecumque Privilegia, & Indulta eidem Communitati, & Homines per alios Romanos Pontifices Praedecessores nostros tunc suos, & eorum quemlibet quomodolibet concessa, confirmata, & innovata, praesertim a fe. re. Pio II., & Sixto V., qui etiam, ut ad unguem observarentur statuit, & perpetuo ordinavit, Romanis Pontificibus Praedecessoribus nostris, tunc suis, approbavit, & confirmavit, & ut in Bannimentis generalibus circa Statum Ecclesiasticum editis, & edendis, Civitas Beneventana praedicta non censeretur comprehensa, nisi expresse nominata fuisset, concessit, & indulgit, & alias prout uberius continetur in ipsius Urbani Praedecessoris literis desuper in simili forma Brevis die prima Julii 1634. expeditis tenoris qui sequitur, videlicet.

Concessum ab Urbano Privilegium.

§. 2. Urbanus PP. VIII. Ad perpetuam rei memoriam. Sincerae fidei, & devotionis affectus, quo dilecti filii Communitas, & Homines Civitatis nostrae Beneventanae nos, & Romanam prosequuntur Ecclesiam, promeretur, ut eorum votis quantum cum Domino possumus annuentes, specialibus eos in dies favoribus, & gratiis prosequamur. Alias siquidem fel. rec. Pius Papa II. Praedecessor noster, Civibus, & Incolis, & Habitatoribus Civitatis praefatae, ne in quibuscumque causis temporalibus, seu civilibus in primis, & post deputatum Judicem appellationis secundis instantiis per quoscumque extra Civitatem praedictam, quavis auctoritate, vel

Tenor Brevis Urbani.

occasione trahi, seu conveniri possint, & si forte traherentur, vel convenirentur ipsis se trahentibus, seu quomodolibet convenientibus extra Civitatem ipsam de iustitia respondere minime tenerentur concessit, & subinde Julius PP. II. etiam Prædecessor noster concessionem prædictam approbavit, quodque ut prima, & secunda instantia causarum prædictarum non alibi quam in dicta Civitate cognosci deberent, de novo concessit. Sixtus vero PP. V. Prædecessor noster statuit, & ordinavit, quod statuta dictæ Civitatis tam civilia, quam criminalia a dilectis filiis Camera Apostolica Generali, & Procuratore Fiscali per eundem deputatis revisa, reformata, & subscripta in posterum præsertim a Governatore, & aliis Officialibus in eadem Civitate pro tempore existentibus ad unguem observarentur, sicuti per quoscumque Judices ordinarios, & delegatos etiam Causarum Palatii Apostolici Auditores, & S. R. E. Cardinales, sublata eis, & eorum cuilibet quavis aliter judicandi, & interpretandi facultate, & auctoritate, judicari, & diffiniri debere, ac irritum, & inane si secus super his a quoquam quavis auctoritate scienter, vel ignoranter contigerit attentari decrevit. Præterea quia dicti Communitas, & Homines in Sedis Apostolicæ, & Cameræ prædictarum necessitatibus summam scutorum duodecim millium de julii decem pro scuto solverunt, eis concessit, quod futuris temporibus, in quibus de jure, vel alias veniant confiscanda bona; per Fiscum non possent capi, nisi vigesima bonorum omnium, exceptis tamen criminalibus hæresis, læsæ Majestatis, falsæ monete, & latrocinii ad viam publicam, prout in Sixti V., ac Pii II., & Julii etiam II. Prædecessorum prædictorum literis desuper expeditis plenius continetur. Cum autem sicut dicti Communitas, & Homines nobis nuper exponi fecerunt, ipsi concessionem Pii, & Julii, necnon statutum, & ordinationem Sixti Prædecessorum hujusmodi, ac ipsius Communitatis privilegia, & statuta, Apostolicæ nostræ Confirmationis robore communiti, & præterea per Nos, ut infra indulgeri summopere desiderent. Nos dictos exponentes specialibus favoribus, & gratiis prosequi volentes, eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodate existunt, ad effectum præsentium dumtaxat consequendum, harum serie absolventes, & absolutas fore censentes, re prius diligenter, & mature de mandato nostro discussa, hujusmodi supplicationibus inclinati, omnia, & singula statuta Civitatis prædictæ, necnon omnia, & singula privilegia, & indulta eisdem exponentibus per Prædecessores nostros, & eorum quemlibet quomodolibet concessa, & confirmata, & innovata, illorum tenores, perinde ac si de verbo ad verbum præsentibus infererentur, pro sufficienter expressis, & insertis habentes, quatenus illa in viridi sint observantia, & decretis Concilii Tridentini, Constitutionibusque Apostolicis non repugnent, necnon statutum, & ordinationem, ac concessionem Sixti prædictam, necnon aliam Pii II., & Julii etiam II. Prædecessorum, concessionem prædictam, qua conceditur, quod prima, & secunda instantia Causarum temporalium, vel civilium extra dictam Civitatem cognosci non possent, etiam cum hoc, ut tunc inhibitiones obtente a quibuscumque Almæ Urbis Judicibus, & Causarum Curie, Cameræ Apostolicæ Auditores, ac Sacri Palatii, Causarum Auditoribus non afficiant, Judicisque Civitatis Beneventanæ inhibitionibus Judicum Urbis, & dictorum Curie Cameræ Apostolicæ, ac Palatii Apostolici Auditorum parere non teneantur, neque censuris, & pœnis in ipsis inhibitionibus comminatis, vel inflictis affici, vel aliquo modo adstringi, vel alias ne in causis

coram ipsis pendentibus procedant, impediri, vel remorari possint, nisi commissiones essent signatæ Manu Nostra, vel Romani Pontificis pro tempore existentis Apostolicæ auctoritate tenore præsentium approbamus, & confirmamus, ac omnes, & singulos tam juris, quam facti defectus si qui desuper intervenerint, supplemus: necnon eisdem Communitati, & Homines in dictis casibus, in quibus vigesima dumtaxat pars bonorum confiscan. erit, quod data cautione idonea ad favorem Fisci pro vigesima parte hujusmodi, qua ad eum in eventum condemnationis rei spectaret bona descripta, & inventariata in Domo ejusdem rei per Fiscum relinqui debeant. Quo vero ad cautiones de non offendendo, ad quas Parentes, & Consanguinei, & affines delinquent, usque ad quartum gradum adstringuntur, quod illi Consanguinei, & affines, qui exceptionis de jure sibi ad dictas cautiones excluden., competere adduxerint ad ipsas cautiones præstandum adstringi non possint, nisi prout de jure. Denique quod in bannimentis generalibus circa Statum Ecclesiasticum, dicta Communitas non censetur comprehensa, nisi expresse fuerit nominata, Apostolicæ auctoritate, & tenore prædictis concedimus, & indulgemus. Decernentes præsentem literas validas, firmas, & efficaces existere, & fore, dictisque exponentibus plenissime suffragari, sicut per quoscumque Judices Ordinarios, & delegatos etiam Causarum Palatii Apostolici Auditores judicari, & diffiniri debere, ac irritum, & inane si secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus, & ordinationibus Apostolicis, ac quibusvis Bannimentis, & Edictis, generalibus hujusmodi, omnibusque illis, que in dictis literis prædictorum nostrorum Prædecessorum concessa sunt non obstat, ceterisque contrariis quibuscumque. Datum Romæ apud Sanctam Mariam Majorem sub Annulo Piscatoris die prima Julii 1634. Pontificatus Nostri Anno XI. M. A. Maraldus.

§. 3. Cum autem, sicut pro parte dictorum Hominum, & Communitatis nobis nuper expositum fuit, ipsi præmissa quo firmius subsistant, & serventur exactius, Apostolicæ Confirmationis nostræ robore communiti summopere desiderent.

§. 4. Nos specialem ipsis Exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure, vel ab homine quavis occasione, vel causa latis si quibus quomodolibet innodate existunt, ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine nobis super hoc humiliter porrectis inclinati, præinsertas Urbani Prædecessoris literas, omniaque, & singula in eis contenta, & expressa, auctoritate Apostolica tenore præsentium perpetuo approbamus, & confirmamus, illisque inviolabilis Apostolicæ firmitatis robur adjicimus, & ut statuta hujusmodi ad unguem quo ad hanc partem in omnibus observentur, statuimus, & perpetuo ordinamus; necnon perpetuis futuris temporibus moderno, & pro tempore existentibus dictæ Civitatis Governoribus, dicta auctoritate per præsentem præcipimus, & mandamus, ut Bannimenta prædicta, ac quascumque alias ordinationes, & Constitutiones generales per Statum nostrum Ecclesiasticum hæcenus edita, & publicata, seu in posterum edenda, & publicanda in Civitate hujusmodi publicari nequeant, minusque illa, & illas debita executioni mandari curent, & faciant, nisi eisdem Bannimentis, Ordinationibus, & Constitutionibus expresse Civitas prædicta Beneventana monita fuerit, ac de illorum observantia, & publicatione in dicta Civitate

Communitas Beneventana eadem Privilegia confirmari petunt a Clemente.

Annuat Pontifex.

tate expressa fiat mentio, seu iisdem Governatoribus, Officialibus, & Ministris, aliisque quibuscumque de observantia, & publicatione prædictis per peculiare mandatum nostrum, & Romani Pontificis pro tempore existentis notificetur, itaut quæcumque hujusmodi in contrarium hujus nostre declarationis, & sanctionis hæcenus proposita, publicata, & mandata, sive in posterum proponenda, publicanda, & mandanda a quibuscumque quavis auctoritate præterquam quod præmissum est, omnia, & singula nullius roboris, ac momenti, irrita, ac nulla, & tanquam non proposita, publicata, & mandata esse, & fore intelligantur.

§. 5. Decernentes easdem præsentis literas, & eis contenta quæcumque semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia plenissime suffragari; Sicque in præmissis per quoscumque Judices ordinarios, & Delegatos etiam Causarum Palatii Auditores, ac S. R. E. Cardinales, etiam de latere Legatos judicari, & definiri debere, ac irritum, & inane si secus super his a quocumque quavis auctoritate scienter, vel ignoranter contigerit attentari.

§. 6. Non obstantibus nostra, & Clementis Prædecessoris, aliisque Constitutionibus, & Ordinationibus Apostolicis, necnon omnibus, & singulis illis, quæ in dictis Urbani Prædecessoris literis concessa sunt non obtinere, ceterisque contrariis quibuscumque.

Datum Romæ apud S. Mariam Majorem sub Annulo Piscat. die 3. Maii 1738. Pont. nostri Anno VIII.

Præsentium
Literarum
firmitas.

Derogatio
contrario-
rum.

Dat. die 3.
Maii 1738.
An. VIII.

CCXXXII.

Confirmatio duorum Brevium Benedicti XIII. necnon nonnullarum Conventionum inter Provincias Gallia, & Romanæ Congregationis Clericorum Sæcularium Doctrinæ Christianæ init.

CLEMENS PP. XII.

Ad futuram rei memoriam.

EX injuncto nobis cœlitus Apostolicæ servitutis manere, illa, quæ a Romanis Pontificibus Prædecessoribus nostris pro felici, proferoque Christianifidelium divinis obsequiis sub suavi Religionis jugo mancipatorum statu conservando, illorumque religiosa quiete firmiter stabilienda pie, provideque emanasse noscuntur, ut solidiori robore perennent, Apostolici muniminis nostri præsidio, cum id a nobis petitur, libenter constabimus.

§. 1. Emanavit nuper a Congregatione particulari nonnullorum Venerabilium Fratrum nostrorum S. R. E. Card., nempe Francisci Barberini, Georgei Spinulæ, Leandri Portiæ, Antonii Xaverii Gentili in locum bo. me. Curtii dum vixit ejusdem S. R. E. Cardinalis Orighi nuncupati, subrogati, ac Joannis Antonii Gaudagni, necnon Ven. Fratris Nicolai Xaverii Archiepiscopi Athenarum, uti Secretarii cum voto pariter, in locum Ven. itidem Fratris Petri Aloysii Episcopi Gipponen. Secretarii in causa inter dilectos filios Clericos Sæculares Congregationis Doctrinæ Christianæ Avenionensis Provinciæ Romanæ ex una, & Provinciarum Gallia ex altera partibus vertente a nobis deputata, auditis partibus verbo, & scripto informantibus in secunda causâ hujusmodi propositione rescriptum: ad mentem; Mens est, ut nobis consuleretur pro confirmatione quarundam literarum se. re. Benedicti PP. XIII. Prædecessoris nostri desuper in simili forma Brevis super unione, & incorporatione prædictæ Congregationis

Doctrinæ Christianæ Regni Neapolis alteri Congregationi hujusmodi Avenionen. sub 28. Septembris 1725. & 16. Junii respective diebus datis annorum 1727. editarum, quarum tenore præsentibus pro expressis, & insertis haberi voluit, plenius continetur, ac pro approbatione Conventionum datarum a prædictis Provinciæ Gallia in sexdecim Capitulis comprehensarum ab omnibus Clericis Sæcularibus de Provincia Romana subscriptarum, prout in eorundem Clericorum Sæcularium utriusque Congregationis nomine supplici libello nobis alias porrectis tenoris sequentis videlicet:

§. 2. Beatissime Pater. Exponunt Sanctitati vestræ Hiacynthus de Bennoit Procurator Generalis Congregationis Clericorum Sæcularium Doctrinæ Christianæ in Gallia, & Cajetanus Cioffi Congregationis Doctrinæ Christianæ in Neapolis Regno consistentis, quam Præpositus Generalis, & tunc Procurator electus Provinciæ Romanæ seu Neapolitanæ itidem Doctrinæ Christianæ, quod se. rec. Benedictus XIII. Prædecessor vester eidem Congregationi per literas Apostolicas in forma Brevis die 28. Septembris 1725. Congregationem Clericorum pariter Sæcularium Doctrinæ Christianæ in Regno Neapolis consistentem univit, & incorporavit, ut autem in Pontificatu vestro nostrum decus huic unioni accedat, majorque firmitas, humillime deprecantur Sanctitatem vestram itidem Oratores, ut eam pro sua benignitate dignetur novo Brevis confirmare, sanando in primis, quod in ea infirmum esse potest speciatim ex parte consensus Congregationis Gallicanæ, in qua posthac unanimi voce illarum consensus dedit in duobus ultimis Capitulis generalibus Lutetiæ Parisiorum celebratis, simulque approbando, & Apostolica auctoritate confirmando ejusmodi unionis condiciones sequentes, quæ in eisdem Capitulis statuta sunt de consensu Concilii Provincialis, Rectorum, & Domorum omnium, seu Collegiorum quibus constat Provincia Romana per ipsam unionem erecta.

CAPITULA.

§. 3. I. Congregatio Clericorum Sæcularium Doctrinæ Christianæ, quæ in Regno Neapolis consistit, Congregationi Clericorum similiter Sæcularium Doctrinæ Christianæ in Gallia perpetuo manebit unita, & incorporata, itaut ex nunc, & in posterum unica sit ex duabus, unumque corpus, quod simpliciter Congregatio Doctrinæ Christianæ nuncupetur, Venerabilem virum Cæsarem de Bus Fundatorem, & Parentem agnoscat, & Constitutiones dictæ Congregationis in Gallia consistentis observet.

II. Provincia Romana per unionem istam erecta composita manebit e sex Domibus, quibus tota constabat Neapolitana Congregatio, nempe Collegiis Neapolis, Laureti, Laureani, Sorbi, S. Joannis in Galdo, atque Casertæ, & octo Domibus in Italia ad Congregationem Gallicanam pertinentibus, & a Provincia Avenionensi, ac Collegiis Civitatis Vetulæ, Roncilionis, S. Martini, Ferentilli, Sospitelli, & Ipporegiæ, quæ quidem a Provincia Avenionensi manebunt in perpetuum dismembrata ac dictæ Provinciæ Romanæ attributa, sicuti, & Domus, seu Collegium Romæ nuper erectum.

III. Provincia Romana ad evitanda tot longorum itinerum incommoda, & pericula, & ne totius Congregationis expensas pro æquali parte sustinere cogatur, neminem mittet ad Capitulum generale, nec Assistentem habeat apud Generalem, nullumque Officialem in Definitorio generali, derogando quibuscumque contrariis, quibus omnibus, & singulis eadem Romana Provincia sponte, & libenter renunciat in perpetuum.

Partes Papæ
eidem supplic-
ant pro confir-
matione
Capitulorum
initæ Con-
ventionis,

Unio Con-
gregationis
Neapolitanæ
cum Gallica-
na.

Provincia
Romana ere-
cta, Domus-
que ei attri-
butæ.

Provincia
Romana nem-
inem mittit
ad Capitulum
generale &c.

Proœmium.

Congregatio
Particularis
consulit San-
ctissimo pro
confirmatio-
ne Literarum
Bened. XIII.